

續
文
獻
通
考

續文獻通考卷之一百二十九

皇明進士雲間王圻纂輯

王禮考 乘輿鹵簿至百官儀從

元

元初立國庶事草創車輿一從舊俗世祖至元八年始造
內外儀仗泰定之世復造象輦象輿英宗親祀太廟復
置鹵簿損益唐制定大駕爲三千二百人法駕爲二千
五百人又置五輅并五輅旗以及腰輿象輦始儀文大
備

王輅青質金裝青綠藻井栲栳輪蓋外施金裝雕木雲
龍內盤碾玉福海員龍一頂上匝以金塗鑰石耀葉八

十一上圍九者二中圍九者三下圍九者四頂輪衣三
重上二重青繡雲龍瑞草下一重無文輪衣內黃屋一
黃素紵絲漉水下垂朱絲結網一周青紵絲繡小帶四
十八帶頭綴金塗小銅鈴三百青紵絲繡絡帶二頂輪
平素面夾用青紵絲蓋之四周垂流蘇八飾以五色絨
線結網五重金塗銅鈸五金塗木珠二十有五又繫玉
雜佩八珩璜衝瑀全金塗鍮石鈎掛十六黃絨貫頂天
心直下十字繩二各長三丈蓋下立朱漆柱四柱下直
平盤虛櫃中櫺三十其下外枕二漆繪犀象鸚鵡錦雉
孔雀隔窠嵌裝花板櫃上周遭朱漆勾欄雲拱地震葉
百七十有九下垂牙護泥虛板并朱漆畫瑞草勾欄上

王行擺十碾玉蹲龍十孔雀羽臺九水晶面火珠七金
圈焰銅照八輿下周垂朱絲結網飾以金塗鎗石鐸三
百綵畫鎗石梅萼嵌網眼中輿之長轆三界轆勾心各
三上下龍頭六前轆引手玉螭頭三並繫以蹲龍後轆
方轆頭三枕頭十六綵以蹲龍三轆頭衡一兩端玉龍
頭二上列金塗銅鳳十二含以金塗銅鈴輿之軸一輪
二軸之掌羅二明轆蹲龍綵並青漆輪之輻各二十四
轂首壓貼金塗銅轂葉八十一金塗鎗石擎耳戀攀四
櫃之前朱漆金裝雲龍轆牌一牌字以玉裝綴轆之箱
四壁雕鏤漆畫填心隔窠龜文華板上層左畫青龍右
畫白虎前畫朱雀後畫玄武轆之前額王行龍二鳳一

水晶珠後額如之前兩柱青絨鈴索五貼金鸞和大響
銅鈴十金塗鑰石雙魚五下朱漆軾櫃一櫃上金香毬
一金香寶金香合銀灰盤各一並黃絲綬帶輅之後朱
漆後轡一金塗曲戍黃紵絲銷金雲龍門簾一緋紵絲
繡雲龍帶二輅之中金塗鑰石較碾玉龍椅一靠背上
金塗圈焰玉明珠一左建太常旂十有二九旂青羅繡
日月五星升龍右建開戟一九旂青羅繡雲龍中央黃
羅繡青黑黼文兩旗稠杠並青羅旗首金塗鑰石龍頭
二金塗銅鈴二金塗鑰石鉞青纓綏十二重金塗木珠
流蘇十二重龍椅上方坐一綠褥一皆錦銷金黃羅夾
帕一方輿地褥二勾闌內褥八皆用雜錦綺青漆金塗

鍮石鉸葉踏道一小褥五重青漆雕木塗金龍頭行里
一小青漆梯一青漆柄金塗長托叉二短托叉二金塗
首青漆推竿一青絨引輅索二各長六丈餘金塗銅環
二黃絨綬一輅馬誕馬並青色鞍轡鞅勒纓拂鞞並青
肅金飾誕馬青織金紵絲襪四青羅銷金絹裹籠鞍六
蓋輅黃絹大蒙帕一黃油絹帕一駕士平巾大袖並青
繪紵絲襪之 金輅赤質金粧 象輅黃質金粧 草
輅白質金粧 木輅黑質金粧餘俱與玉輅同第其色
各隨其方 暖輿制以香木後背作山字牙嵌七寶粧
雲龍屏風上施金圈爐明珠兩傍引手屏風下施雕鏤
雲龍床坐前有踏床可貼錦褥一坐上貂鼠綠金錦條

褙綠可貼方坐 象轎駕以象凡巡幸則御之

儀仗 皂纛建纓于素漆竿凡行幸則先驅建纛夾以馬鼓 絳麾金塗竿上施圓盤朱纓拂三層紫羅袋韜之 金節制如麾八層韜以黃羅雲龍袋又引導節金塗龍頭朱漆竿懸五色拂上施銅鉞 幢四制如節分朱雀青龍白虎玄武各如其色爲袋韜之 爆稍制如節頂刻爆牛首有袋上加碧油 絳引幡四角朱綠蓋每角垂羅文雜佩繫于金銅鉤竿竿以朱飾懸五色間羣羅下有橫木板作碾王文 告止幡緋帛錯綵爲告止字承以雙鳳立仗者紅羅銷金升龍餘如絳引 傳教幡制如告止幡錯綵爲傳教字承以雙白虎立仗者

白羅繪雲龍

信幡制如傳教幡錯綵爲信字承以雙

龍立仗者繪飛龍

黃麾幡制如信幡錯綵爲黃麾篆

龍頭竿繡斃竿如戟無鉤下有小橫木刻龍頭垂朱

綠蓋每角綴珠佩一帶帶末有金銅鈴

圓子制以金

塗攢竹杖首貫銅錢而以紫絹冒之

副竿制以木朱

漆之

火輪竿制以白鐵爲小車輪建于白鉄竿首輪

及竿皆金塗之上書西天呪語帝師所制常行爲親衛

中道正行在劈正斧之前以衛佛法以祛邪僻以鎮彝

雷蓋辟惡車之意也

豹尾竿制如戟繫豹尾朱漆竿

寶輿方案緋羅銷金雲龍案衣緋羅銷金蒙襯複案

傍有金塗鐵鞫四龍頭竿結綬二副之

香蹬朱漆案

黃羅銷金雲龍案衣上設金塗香爐一燭臺二案旁金
塗鐵鞦四龍頭竿結綬二副之 香案朱漆緋羅銷金
雲龍案衣上設金香爐各一餘同香燈殿廷陳設則
除龍頭竿結綬 詔案冊案寶案俱制如前 表案制
如香案加矮闌金塗鐵鞦四竿二副之緋羅銷金蒙複
禮物案制同 交椅銀飾之塗以黃金 杌子四脚
小床銀飾之塗以黃金 鳴鞭綠柄鞭以梅紅絲爲之
稍用黃絨而漬以蠟 鞭桶制以紫絨裹白絹裏皮緣
兩末 蒙鞍青錦緣緋錦複 水瓶制如湯瓶有蓋有
提有紫銀爲之塗以黃金 鹿盧制如人字兩頭卷塗
金粧銀朱絲繩副之 水盆黃金塗銀粧銀爲之 淨

巾緋羅銷金雲龍有裏 香毬制以銀爲座上插蓮花
爐爐上罩以圓毯鏤細縕旋轉文于上黃金塗之 香
盒制以銀徑七寸塗黃金釵雲龍于上 金拂紅犛牛
尾爲之黃金塗釵頭柄 唾壺制以銀寬緣虛腹有蓋
黃金塗之 唾盂制以銀形圓如缶有蓋黃金塗之
外辦牌制以象牙書國字背書漢字填以金 外脩牌
制如前 中嚴牌制如前 時牌制同外脩而小 板
位制以木長一尺二寸闊一尺厚六分白髹黑字 大
繖赤質四角銅螭首塗以黃金紫羅表緋絹裏頂加金
浮圖 紫方繖制如大繖而表以紫羅 紅方繖制如
大繖而表以緋羅 華蓋制如繖而員頂隆起赤質繡

雜花雲龍上施金浮圖 曲蓋制如華蓋緋羅水繡瑞
草曲柄上施金浮圖 導蓋制如曲蓋緋羅瀝水繡龍
朱漆直柄 朱繖制如導蓋而無文 黃繖制如朱繖
而色黃 寶蓋金塗龍頭竿懸以纓絡銷金圓裙六角
葆蓋 孔雀蓋朱漆竿首建小蓋蓋頂以孔雀毛徑尺
計下垂孔雀尾簷下以青黃紅瀝水圍之上施金浮圖
蓋居竿三之一竿塗以黃金書西天咒語火輪竿同
朱團扇緋羅繡盤龍朱漆柄金銅飾導駕團扇底金線
大雉扇制稍長下方而上猶緋羅繡象雉尾中有雙
孔雀間以雜花下朱漆橫木連柄金銅裝 中雉扇制
如大雉扇而减小 小雉扇制如中雉扇而减小 青

瀝水扇制圓而青色四周瀝水以青絹 畢朱藤結網
二螭首銜紅絲拂中有獸面朱漆柄金銅裝 卑制形
如扇朱藤網中有獸面朱漆柄金銅裝 旗扇錡即坐
也旗錡制十字木于下上四枝交拱置竅于其上以樹
旗扇錡制如梔形小六木拱于上而制作精于旗錡二
鐫並漆以朱 風伯旗青質赤火焰腳畫神人大首朱
髮鬼形豹汗膊朱袴肩纓立雲氣中 雨師旗赤質赤
火蛟腳畫神人冠五梁冠朱衣黃袍黑欄黃帶白袴皂
舄右手仗劔左手捧鐘 雷公旗青質赤火蛟腳畫神
人大首鬼形白擁頤朱犢鼻黃帶右手持斧左手持鑿
運連鼓于火中 電母旗青質赤火蛟腳畫神人爲女

子形縹衣朱裳白袴两手運光 金星旗素質赤火焰
脚畫神人冠五梁冠素衣皂襴朱裳秉圭 水星旗墨
質赤火燄脚畫神人冠五梁冠皂衣皂襴綠裳秉圭
木星旗青質赤火焰脚畫神人冠五梁冠青衣皂襴朱
裳秉圭 火星旗赤質青火燄脚畫神人冠五梁冠朱
衣皂襴綠裳秉圭 土星旗黃質赤火焰脚畫神人冠
五梁冠黃衣皂襴綠裳秉圭 攝提旗赤質赤火焰脚
畫神人冠五梁冠素中單黃衣朱蔽膝綠裳仗劍 北
斗旗黑質赤火燄脚畫七星 角宿旗青質赤火燄脚
畫神人爲女子形露髮朱袍黑襴立雲氣中持蓮荷外
角亢以下七旗並青質青火 亢宿旗青質赤火燄脚畫
角宿角宿繪二星下繪蛟

神人冠五梁冠素衣朱袍皂襪皂帶黃裳持黑等子外

繪四星

氏宿旗青質赤火麒麟畫神人冠小冠衣金

甲朱衣綠包肚朱擁項白袴左手仗劍乘一鯨外

繪四星

房宿旗青質赤火麒麟畫神人烏巾白中單碧袍

黑襪朱蔽膝黃帶黃袴朱烏左手仗劍外

宿旗青質赤火麒麟畫神人冠五梁冠朱袍皂襪右手

持杖

外

尾宿旗青質赤火麒麟畫神人冠東

髮冠素衣黃袍朱裳青帶右手仗劍左手持弓外

箕宿旗青質赤火麒麟畫神人烏巾衣淺朱袍皂

襪仗劍乘白馬于火中外

斗宿旗青質赤火麒麟畫神人被髮素腰裙朱帶左手持杖外

牛宿旗青質赤火燄脚畫神人牛首皂襪黃裳皂鳥外伏

繪六星女宿旗青質赤火燄脚畫神人鳥牛首衣朱

服皂襪黃帶鳥韉左手持蓮外伏繪四星虛宿旗青

質赤火燄脚畫神人被髮裸形坐于甕中右手持一珠

外伏繪二星危宿旗青質赤火燄脚畫神人虎首金甲

衣朱服貌皮汗膊青帶鳥韉外伏上繪三星室宿旗青

質赤火燄脚畫神人丫髮朱服乘舟水中外伏繪二星

壁宿旗青質赤火燄脚畫神人爲女子形披髮朱服皂

襪綠帶白裳鳥外伏繪二星奎宿旗青質赤火燄脚

繪神人狼首朱服金甲綠包肚白汗膊黃帶鳥韉仗劍

外伏繪十六星婁宿旗青質赤火燄脚繪神人鳥巾素

衣皂袍朱蔽膝黃帶綠裳烏鳥左手持牛角右手仗劍

外伏繪二星下繪狗 胃宿旗青質赤火醺脚繪神人被髮裸形

披豹皮白腰裙黃帶右手仗劍外伏繪三星下繪雉 昂宿旗青

質赤火醺脚繪神人黃牛首朱服皂欄黃裳朱鳥左手

持如意外伏繪七星下繪雞 畢宿旗青質赤火醺脚繪神人作

鬼形朱視持黑杖乘赤馬行于火中外伏繪八星下繪鳥 觜

宿旗青質赤火醺脚繪神人冠緇布冠朱服皂欄綠裳

持一蓮坐于雲氣中外伏繪三星下繪猴 參宿旗青質赤火醺

脚繪神人披髮衣黃袍綠裳朱帶朱鳥左手持珠外伏繪七星下繪猿

井宿旗青質赤火醺脚繪神人烏巾表衣朱

袍皂欄坐于雲氣中左手持蓮外伏繪八星下繪犴 鬼宿旗青

質赤火醜脚繪神人作女子形披髮素衣朱袍黃帶黃

裳烏鳥右手持杖外伏繪五星下繪羊 柳宿旗青質赤火醜脚

繪神人作女子形露髻朱衣黑襪黃裳烏鳥撫一青龍

外伏繪八星下繪羊 星宿旗青質赤火醜脚繪神人冠五梁冠

淺朱袍皂襪青帶黃裳烏鳥持黃繩外伏繪七星下繪馬 張宿

旗青質赤火醜脚繪神人衣豹改朱帶素韉右手伏劍

坐于雲氣中外伏繪六星下繪鹿 翼宿旗青質赤火醜脚繪神

人冠道冠皂袍黃裳朱蔽膝伏劍履皮于雲氣中外伏繪二

十二星下繪蛇 軫宿旗青質赤火醜脚繪神人冠道冠衣朱

袍黃帶黃裳左手持書外伏繪四星下繪蚓 日旗青質赤火醜

脚繪日于上奉以雲氣 月旗青質赤火醜繪月于上

奉以雲氣 祥雲旗青質赤火燄脚繪五色雲氣 合
璧旗青質赤火燄脚繪雲氣日月 連珠旗青質赤火
燄脚繪五星 東嶽旗青質赤火燄脚繪神人冠七梁
冠黃襪青袍綠裳白中單素蔽膝執圭 南嶽旗青質
赤火燄脚繪神人冠七梁冠黑襪緋袍綠裳黃中單朱
蔽膝執圭 中嶽旗黃質赤火燄脚繪神人冠七梁冠
皂襪黃袍綠裳白中單朱蔽膝執圭 西嶽旗白質赤
火燄脚繪神人冠七梁冠青襪白袍緋裳白中單素蔽
膝執圭 北嶽旗黑質赤火燄脚繪神人冠七梁冠紅
襪皂袍綠裳白中單素蔽膝執圭 江瀆旗赤質青火
燄脚繪神人冠七梁冠青襪朱袍跨赤龍 河瀆旗黑

質赤火燄脚繪神人冠七梁冠皂欄黃袍跨青龍 淮

濱旗素質赤火燄脚繪神人冠七梁冠皂欄素袍乘青

鯉 濟濱旗青質赤火燄脚繪神人冠七梁冠皂欄青

袍乘一鯉 天下太平旗赤質青火燄脚錯采爲字

皇帝萬歲旗赤質青火燄脚錯采爲字 吏兵旗黑質

赤火燄脚繪神人具甲堦整綠臂鞬伏劍 力士旗白

質赤火燄脚繪神人武士冠緋袍金甲汗勝皂履執戈

盾 東天王旗青質赤火燄脚繪神人武士冠衣金甲

緋柄襠右手執戟左手捧塔履石 南天王旗赤質青

火燄脚繪神人 西天王旗白質赤火燄脚繪神人

北天王旗黑質赤火燄脚繪神人

冠服俱同前

大神旗黃

質黃火燄脚

詳見牙門旗下

牙門旗赤質赤火燄脚繪神人

冠武士冠鎧甲襖褙襯肩包脚汗膀長帶大口袴執戈

盾 金鼓旗黃質黃火燄脚書金鼓字 朱雀旗赤質

赤火燄脚繪朱雀其形如鸞

立武青龍白虎旗俱如之

龍君旗青

質赤火燄脚繪神人冠通真冠服青繡衣白裙朱履執

戟引青龍 虎君旗白質赤火燄脚繪神人冠流精冠

服素羅繡衣朱裙朱履執斬蛇劍引白虎 大黃龍負

圖旗赤質青火燄脚繡複身黃龍背八卦 小黃龍負

圖旗赤質青火燄脚繪複身黃龍背八卦 五色龍旗

五色質五色直脚無火燄 大四色龍旗青赤黃白四

色質具火燄脚 小四色龍旗制同大四色直脚無火

燄 應龍旗赤質赤火燄脚繪飛龍 金鸞旗赤質赤
火燄脚繪鸞而金色 鸞旗制同前而繪以五采 金
鳳旗赤質青火燄脚繪鳳而金色 鳳旗制如前而繪
以五采 五色鳳旗五色質五色直脚無火燄 大四
色鳳旗青赤黃白四色質火燄脚色隨其質繪鳳 小
四色鳳旗制同前直脚無火燄 王馬旗赤質青火燄
脚繪白馬兩膊有火燄 駃騠旗赤質青火燄脚繪白
馬 飛黃旗赤質赤火燄脚形如馬色黃有兩翼 驪
騮旗赤質青火燄脚繪獸形如馬白首虎文赤尾 龍
馬旗赤質青火燄脚繪龍馬 麟旗赤質青火燄脚繪
麒麟 飛麟旗赤質青火燄脚繪飛麟其形五色身朱

翼兩角長爪 黃鹿旗赤質青火獸脚繪鹿而色
深黃 兕旗赤質青火獸脚繪獸似牛一角青色 犀
牛旗赤質青火獸脚繪犀牛 金牛旗赤質青火焰脚
繪獸形如牛金色 白狼旗赤質青火獸脚繪白狼
辟邪旗赤質赤火獸脚繪獸形似鹿長尾二角 赤熊
旗赤質赤火獸脚繪獸如熊色黃 三角獸旗赤質赤
火獸脚繪獸其首類白澤綠髮三角青質白腹跋尾綠
色 角端旗赤質赤火獸脚繪獸如羊而小尾頂有獨
角 駟牙旗赤質青火獸脚繪獸形似麋齒前後一齊
太平旗赤質青火獸脚金描蓮花四上金書天下太
平字 鵠鵠旗赤質青火獸脚繪鳥似山鷄而小冠皆

黃腹赤項綰尾紅 蒼鳥亦黃質青火燄脚繪鳥如鳥

而色蒼 白澤旗赤質赤火燄脚繪獸虎首朱髮而有

角龍身 東方神旗綠質赤火燄脚繪神人含堯牟金

鐘甲仗劍所繪神人 西方神旗白質赤火燄脚 中

央神旗黃質赤火燄脚南方神旗赤質青火燄脚 北

方神旗黑質赤火燄脚凡立仗諸旗各火燄脚三條色

與質同長一丈五尺和長二丈一尺牙門太平萬歲質

長一丈橫闊五尺日月龍君虎君橫豎並八尺餘旗並

豎長八尺橫闊六尺車輻朱漆八枝施以銅釘形如柯

舒 吾杖朱漆金飾兩末 銚杖朱漆捧首標以金塗

馬鐙 矢制如稍而短黑飾兩末中畫雲氣上綴朱絲

拂 骨朶朱漆棒首貫以金塗銅鏈 刻絲骨朶制如
骨朶加紐絲伏 卧瓜黃金塗卧置朱漆棒首立瓜制
卧瓜 長刀長丈有奇闊上窄下單刃 儀刀制以銀
飾紫絲盼鍔 橫刀制如儀刀而曲鞘以沙魚皮飾條
盼鍔 千牛刀制如長刀 釵班鞘飾以沙魚皮釵口
兩刃 斑釵制點黃質紫斑文金銅裝紫絲盼鍔 刀
盾如長刀柄短木為之青質有環紫絲盼鍔 刀盾之
盾制以木赤質畫異獸執人右刀左盾 朱藤絡盾制
同而朱其盾 綠藤絡盾制同而綠其盾 戟制以木
有枝黃金塗竿以朱漆 小戟飛龍掌制如戟畫雲氣
上綴飛掌垂五色帶末有銅鈴掌下方而上兩角微脩

繪龍于其上 鈹戟制如戟無飛掌而有橫木 稍制以木黑質畫雲氣上刻及塗以青五色袖並同而質異 積制如戟鋒兩旁微起下有鑄銳 又制如戟而短青飾兩末中白畫雲氣上綴紅絲拂 斧雙及斧貫于朱漆竿首 鈹金塗鈹戟單及腦後繫朱拂朱漆竿 劈正斧制以玉單及金塗柄銀鑄 儀鎗斧制如斧刻木爲之柄以朱上綴小錦幡五色帶 弓矢 弩制如弓而有臂 服制以虎豹皮或恭綠文金銅裝 韡制以黑革 蘭弩矢室 象韡鞍五采裝明金木蓮花座 緋繡攀鞍條紫緇襦紅錦屨鍮石蓮花跋塵錦緣毼 盤紅鞞牛尾纓拂并胸攀鞞攀上各帶紅鞞牛尾纓拂

鍮石胡桃鉞子杏葉鉸具緋皮轡頭鉸具蓮花座上金
塗銀香爐一 初既定占城交趾真獵歲貢象育于析
津坊海子之陽行幸則番官騎引以導大駕以駕巨輦
馳鼓設金裝鉸具花鬪鞍褥橐篋前峯樹皂纛或施采
旗後峯樹小旗絡腦當胸後鞦並以毛組爲轡勒五色
璫玉毛結纓絡周綴銅鐸小鏡上施一面有底銅擱小
鼓一人乘之繫以毛繩凡行幸先鳴鼓于馳以威振遠
邇亦以試橋梁伏水而次象馬 騾鼓制如馳而小
馬鼓轡勒後勒當胸皆綴紅纓拂銅鈴杏葉鉸具金塗
鉞上插雉尾下負四足小架上施以革鼓一面一人前
引凡行幸負鼓于馬以先馳與纛並行 誕馬纓轡緋

涼鍍 御馬鞍轡纓複全 珂馬銅面雉尾鼻拂胸上
綴銅杏葉紅絲拂又胸前腹下皆有攀綴銅鈴後有跋
塵錦包尾

崇天鹵簿中道 頓遞隊象六飾以金裝蓮座香寶鞍
轆鞅轡扇勒犂牛尾拂跋塵鉸具導者六人馭者南越
軍六人皆弓花角唐帽緋施銷金襖衫鍍金束帶烏鞞
橫列而前行次駝鼓九飾駝以鍍金鉸具轡飾扇籠旗
鼓纓鎗馭者九人服同馭象者中道相次而行次舍人
二人四品服騎分左右夾駝而行次青衣二人武弁青
純衫青勒帛青鞞執青杖次清道官四人四品服騎次
信幡二執者二人引護者四人武弁黃純生色寶相花

袍黃勒帛黃韡次騾鼓六飾騾以鍍金鉸具轡飾扇籠
旗鼓纓鎗馭者六人服同馭駝者次告止旛二執者二
人引護者四人武弁緋絙生色寶相花袍紅勒帛紅韡
次傳教旛二執者二人引護者四人武弁黃絙生色寶
相花袍黃勒帛黃韡並分左右次橋道頓遞使一人本
品服騎中道舍人清道官橋道頓遞使從者凡七人錦
帽紫襖衫小銀京帶行膝鞋襪

後凡從者之服皆同此

燾稍隊

金吾將軍二人交角幘頭緋羅繡抹額紫羅繡辟邪兩
襠紅錦襯袍錦騰蛇金帶烏韡橫刀佩符騎分左右次
弩而騎者五人錦帽青絙生色寶相花袍銅帶綠雲韡
次稍而騎者五人錦帽緋絙生色寶相花袍銅帶朱雲

韓次燾一執者一人夾者四人護者二人皆錦帽紫緋生色寶相花袍鍍金帶紫雲韉押燾官二人皆騎本品服次馬鼓四飾如騾鼓馭者四人服同馭騾次佩弓矢而騎者五人服同執弩者押衙四人騎而佩劔錦帽紫絕生色寶相花袍鍍金帶雲頭韉褰稍者四人騎錦帽緋絕生色寶相花袍銅帶朱韉控馬八人錦帽紫衫銀帶烏韉次稍而騎者五人服佩同執弩者金吾將軍押燾官從者四人服同前隊 朱雀隊舍人一人四品服騎而前次朱雀旗一執者一人引護者四人錦帽緋絕生色鳳花袍銅帶朱雲韉皆佩劔而騎護者加弓矢次金吾折衝一人交角幘頭緋絕繡抹額紫羅繡辟邪柄

檔紅錦襯袍金帶錦騰蛇鳥鞞橫刀佩弓矢而騎帥甲
騎凡二十有五弩五人次弓五人次稍五人次弓五人
次稍五人皆冠甲騎冠朱畫甲青勒甲條鍍金環白繡
汗胯束帶紅鞞帶弓箭器仗馬皆朱甲具裝珂飾全舍
人金吾從者凡二人服同前隊 十二旗隊舍人一人
四品服騎而前金吾果毅二人交角幙頭緋羅繡抹額
紫羅繡辟邪柄檔紅錦襯袍金帶錦騰蛇鳥鞞橫刀佩
弓矢騎分左右帥引旗騎士五皆錦帽黃絁生色寶相
花袍銀帶鳥鞞次風伯旗左雨師旗右雷公旗左電母
旗右執者四人騎青甲騎冠綠甲青勒甲條鍍金環白
繡汗胯束帶青雲鞞馬皆青甲珂飾次五星旗五執者

五人甲騎冠五色畫甲青勒甲條鍍金環白繡汗胯束帶五色韉馬甲如其甲之色珂飾次北斗旗一執者一人甲騎冠紫畫甲青勒甲條鍍金環白繡汗胯束帶紫雲韉馬甲隨其甲之色珂飾左右攝提旗二執者二人甲騎冠朱畫甲青勒甲條鍍金環白繡汗胯束帶紅雲韉馬朱甲珂飾執副竿者二人騎錦帽黃生色寶相花袍銀帶烏韉執稍而護者五人騎服同執副竿者舍人金吾果毅從者九三人服同前隊門旗隊舍人二人四品服監門將軍二人皆交角幘頭緋色繡抹額紫羅繡獅子襖檔紅錦襯袍金帶烏韉橫刀佩弓矢騎馬甲珂飾金次門旗二執者二人錦帽緋絕生色獅子文袍

銅革帶紅雲韡劔而騎引護者四人服佩同執人而加
弓矢騎次監門校尉二人騎服佩同監門將軍分左右
行次鸞旗一執者一人引護者四人錦帽五色純生色
瑞鸞花袍束帶五色雲韡佩劔護人加弓矢皆騎舍人
監門將軍監門校尉從者凡六人服同前隊 雲和樂
雲和署令二人朝服騎分左右引前行凡十有六人戲
竹二排簫四簫管二龍笛二板二歌工四皆展角花幘
頭紫純生色雲花袍鍍金帶紫韡次琵琶二十箏十有
六塏篪十有六箏十有六方響八頭管二十有八龍笛
二十有八已上工百三十有二人皆花幘頭緋純生色
雲花袍鍍金帶朱韡次杖鼓三十工人花幘頭黃生色

花袍錦臂韝鍍金帶烏鞞次板八工人服色同琵琶工人次大鼓二工十人服色同杖鼓工人雲和署令從者二人服同前隊 殿中黃麾隊舍人二人四品服殿中侍御史二人本品服皆騎次黃麾一執者一人夾者二人騎武弁緋絰生色寶相花袍紅勒帛紅雲鞞舍人殿中侍御史從者九四人服同前隊 太史鉦鼓隊太史一人本品服騎引交龍桐鼓左金鉦右昇四人工二人皆武弁緋絰生色寶相花袍紅勒帛紅鞞次司辰即一人左典事一人右立四品服騎太史司辰即典事從者三人服同前隊 武衛鉦鼓隊武衛將軍一人交角幟頭緋羅繡抹額紫羅繡瑞鷹柄襠紅錦襯袍錦騰蛇金

帶橫刀騎領五色繡旛一金節八罕右畢左朱雀青龍
白虎幢三橫布道蓋一中道又四武衛果毅二人服佩
同武衛將軍釵二十戟二十徒五十有九人武弁緋絁
生色寶相花袍紅勒帛紅韡武衛將軍武衛果毅從者
凡三人服同前隊 龍墀旗隊舍人二人四品服中郎
將二人服佩同釵戟隊武衛將軍騎分左右帥騎士凡
二十有四人執旗者八人天下太平旗中道中歡帝旗
左中央神旗右次日旗左月旗右次祥雲旗二分左右
次皇帝萬歲旗中道執人皆黃絁巾黃絁生色寶相花
袍黃勒帛黃雲韡橫刀執弓矢護者八人緋絁巾緋絁
生色寶相花袍紅勒帛紅雲韡橫刀執弓矢舍人中郎

將從者凡四人服同前隊 御馬隊舍人二人四品服
引左右衛將軍二人緋羅繡抹額紫羅繡瑞馬襠紅羅
襯袍錦騰蛇金帶烏鞞橫刀皆騎分左右行御馬十有
二匹分左右飾以纓轡鞍複馭士控鶴二十有四人交
角金花幘頭紅錦控鶴襖金束帶鞞鞋次尚乘奉御二
人四品服騎分左右行舍人左右衛將軍從者四人服
同前隊 拱衛控鶴第一隊拱衛指揮使二人本品服
騎分左右帥步士凡二百五十有二人負劔者三十人
次執吾杖者五十人次執斧者五十人次執鐙杖者六
十人次執刻絲骨朶者三十人皆分左右次携金水瓶
者一人左金盆者一人右次執刻絲骨朶者三十人皆

分左右皆金綾額交角幙頭青質孫控鶴襖塗金荔枝
束帶鞵鞋拱衛指揮使從者二人服同前隊 安和樂
安和署令二人本品服騎分左右行領押職二人弓角
鳳翅金花幙頭紅質孫加襖袍金束帶花鞵次扎鼓八
爲二重次和鼓一中道次板二次龍笛四次頭管二次
羌笛二次笙二次簫二左右行次雲璈一中道工二十
有四人皆弓角鳳翅金花幙頭紅錦質孫襖金荔枝束
帶花鞵從者二人服同前隊 金吾援寶隊舍人二人
四品服引金吾將軍二人交角幙頭緋羅繡抹額紫羅
繡辟邪襖襠紅錦襯袍錦騰蛇橫刀佩弓矢皆騎分左
右前引駕十二重甲士一十二騎弩四次弓四次稍四

爲三重次香案二金爐合各二分左右昇士十有六人
侍香二人騎而從次典瑞使二人本品服騎而左右引
八寶受命寶左傳國寶右次天子之寶左皇帝之寶右
次天子行寶左皇帝行寶右次天子信寶左皇帝信寶
右每與寶盪銷金蒙複襯複案與紅銷金衣籠頭竿結
綬昇士八人朱團扇四人凡九十有六人皆交角金花
幘頭青紅錦質絲襖每與前青後紅金束帶鞢鞋援寶
三十人交角金花幘頭窄紫衫銷金紅汗膀金束帶烏
鞋靴金縷黑杖次符寶郎二人四品服騎分左右次金
吾果毅二人服佩同金吾將軍騎分左右次弓四人次
稍四人次弩四人爲三重舍人金吾將軍侍香典瑞使

符寶郎金吾果毅從者九十有二人服同煎隊 殿中
繖扇隊舍人二人四品服騎分左右領騎而執旗者四
人日月合璧旗左五星連珠旗右次金龍旗左金鳳旗
右黃纒巾黃纒生色寶相花袍黃勒帛黃鞞佩劍騎而
引旗者四人青纒巾青纒生色寶相花袍青勒帛青鞞
佩劍執弓矢騎而設旗者四人紅纒巾紅纒生色寶相
花袍紅勒帛紅鞞佩劍執弓矢次朱團扇十六次小雉
扇八次中雉扇八次大雉扇八爲十重重四人次曲蓋
二紅方繖二次紫方繖二次華蓋二次大繖二執者五
十人武弁紅纒生色寶相花袍紅勒帛紅鞞舍人從者
二人服同煎隊 控鶴圖子隊圖子頭一人執骨朵由

中道交角幙頭緋錦質孫襖鍍金荔枝帶鞞鞋領執團
子十有六人分左右交角金花幙頭白襯肩青錦質孫
襖鍍金荔枝帶鞞鞋次朱繖中道次金脚踏左金椅右
服如圍子頭拱衛指揮使一人本品服騎中道控鶴二
十人服同上拱衛指揮使從者二人服同前隊 天樂
一部天樂署令二人本品服騎分左右領押職二人弓
角鳳翅金花幙頭紅錦質孫襖加欄金束帶花鞞次琵琶
二笙篪二火不思二板二箏二胡琴二笙二頭管二
龍笛一響鉄一工十有八人徒二人皆弓角鳳翅金花
幙頭紅錦質孫襖鍍金束帶花鞞 控鶴第二隊僉拱
衛司事二人本品服騎分左右帥步士凡七十有四人

執立瓜者三十有六人分左右次捧金杙一人左鞭桶
一人右次蒙鞍一人左繖手一人右次執立瓜者三十
有四人分左右皆交角金花幙頭緋錦質孫襖鍍金荔
枝帶鞢鞋食拱衛司事從者二人服同前隊 殿中道
從隊舍人二人四品服騎左右引香鐙案一黃鈔金盤
龍衣金爐合結綬龍頭竿昇者十有二人交角金花幙
頭紅錦質孫控鶴襖鍍金束帶鞢鞋侍香二人騎分左
右次警蹕三人交角幙頭紫窄袖衫鍍金束帶烏鞢次
舍人二人四品服騎引天武官二人執金鉞金鳳翅堦
竿金鎖甲青勒甲條金環繡汗胯金束帶馬珂飾次金
骨朵二次幢二次節二分左右次金水盆左金椅右次

蒙複左副執椅右次金水瓶鹿盧左銷金淨巾右次金
香毬二金香合二分左右次金唾壺左金唾盂右金拂
四扇十分左右次黃織中道織衣從凡騎士三十人服
如警蹕加白繡汗膝步卒四人執衣人蒙護服如昇
香鐙徒舍人天武官從者凡六人服同前隊 控鶴第
三隊拱衛直鈐轄二人本品服騎引執卧瓜八十人服
如第二隊 導駕官引進使二人分左右前行次給事
序一人左起居注一人右侍御史一人左殿中侍御史
一人右次翰林學士二人左集賢學士一人右次御史
中丞一人左同知樞密院事一人右次御史大夫一人
左知樞密院事一人右次侍儀使四人中書侍郎二人

黃門侍郎二人侍中二人皆分左右次儀仗使一人左
鹵簿使一人右次禮儀使二人分左右持劈正斧一人
中道次大禮使一人左太尉一人右皆本品服騎從者
三十人惟執劈正斧官從者二人服同前隊 羽林宿
衛舍人二人四品服前行次羽林將軍二人交角幟頭
緋羅繡抹額紫羅繡瑞鷹襖襠紅錦襯袍錦騰蛇金帶
烏鞞橫刀佩矛矢皆騎分左右領宿衛騎士二十人執
骨朶六人次執短戟六人次執斧八人皆弓角金鳳翅
幟頭紫袖細褶繡線襖束帶烏鞞橫刀舍人羽林將軍
從者凡四人服同前隊 檢校官分布中道之外仗之內頓遞隊
監察御史二人本品服次熏綽隊循仗檢校官二人次

朱雀隊金吾中郎將二人皆交角幘頭緋羅繡抹額紫羅繡辟邪衿襠紅錦褙袍錦騰蛇金帶烏鞞佩儀刀加弓矢次十二旗隊兵部侍郎二人本品服次門旗隊糾察儀仗官二人本品服次雲和樂部金吾將軍二人服佩如金吾中郎將知隊仗官二人本品服次武衛銀戟隊監察御史二人本品服次外道左右牙門巡仗監門中郎將二人交角幘頭緋羅繡抹額紫羅繡獅子衿襠紅錦褙袍錦騰蛇金帶烏鞞佩儀刀弓矢次金吾援寶隊兵部尚書二人次循仗檢校官二人次殿中緞扇隊監察御史二人禮部尚書二人皆本品服次圍子隊知隊仗官二人次金吾大將軍二人服同金吾將軍各操

稍從次殿中導從隊糾察儀仗官二人次循伏檢校官
二人次羽林宿衛隊左點檢一人左右點檢一人右紫
羅繡瑞麟袍襜褕餘同金吾大將軍領大黃龍負圖旗二
執者二人夾者八人錦帽五色純巾五色純生色雲龍
袍塗金束帶五色雲鞞佩劔夾者加弓矢並行中道控
鶴外外仗內前後檢校仗內知班六人展角幘頭紫窄
衫塗金束帶烏鞞承奉班都知一人太常博士一人皆
朝服騎同檢校官前後巡察宿直將軍八人服佩同左
右點檢夾輅檢校三衛陪輅隊誕馬二匹珂飾纓轡
青毼乘黃令二人本品服分左右次殿前將軍二人交
角幘頭紫羅繡辟邪袍襜褕紅錦襯袍錦騰蛇金帶烏鞞

橫刀騎玉輅太僕卿馭本品服千牛大將軍駟乘交角
幟頭紅抹額繡瑞牛衲襠紅錦襯袍錦騰蛇金帶烏鞞
橫刀左右衛將軍服如千牛大將軍惟衲襠繡瑞虎文
陪輅輅馬六匹珂飾纓轡青屣牽套鞶帶步卒凡八十
有二人馭士四人駕士六十有四人行馬二人踏道八
人推竿二人托义一人梯一人皆平巾青幘青繡雲龍
花袍塗金束帶青鞞教馬官二人進輅職長二人皆本
品服夾輅將軍二人金鳳翅兜牟金瑣甲條環繡汗袴
金束帶綠雲花鞞青瀝水扇二次千牛備身二人皆分
左右交角幟頭緋羅繡抹額紫羅繡瑞牛衲襠紅錦襯
袍金帶烏鞞橫刀佩弓矢獻官二人殿中監六人內侍

十八皆本品朝服騎分左右千牛侍身後騎而執号矢者十人尚衣奉御四人尚食奉御二人尚藥奉御二人皆騎本品服次腰輿黃紵絲銷金雲龍蒙複步卒凡十有三八昇士八人道扇四人黃繖一人皆交角幟頭紅質孫控鶴襖金束帶鞞鞋尚舍奉御二人騎左尚輦奉御二人騎右皆朝服從者三十有四人服同前隊大神牙門旗隊都點檢一人騎交角幟頭緋羅繡抹額紫羅繡抹額紫羅繡瑞麟襖襠紅錦袍次監門大將軍二人分左右騎服如都點檢惟襖襠紫繡獅文門凡三重親衛郎將帥甲士分左右夾輅而陣繞出輅後合執麾者二爲第一門翊衛郎將帥護尉夾親衛而陣繞出輅

後合爲第二門監門校尉二人騎左右衛大將軍帥甲士執五色龍號旗夾護尉而陣繞出輅後合牙門旗二爲第三門監門校尉二人主之服色詳見外仗 雲和樂後部雲和署丞二人本品服騎分左右領前行戲竹二排簫二簫管二歌工二凡十人皆騎花幘頭紫絁生色花袍塗金帶烏鞞次琵琶四箏四篳篥四篳篥管六方響二龍笛六杖鼓十工四十人皆騎服同上惟絁色紅從者二人服同前隊 後黃麾隊玄武幢一絳麾二徒三人皆武弁紫絁生色龜雲花袍紫羅勒帛紫鞞次黃麾執者一人夾者二人皆騎豹尾一執者一人夾者二人皆騎武弁紫生色寶相花袍紫勒帛紫鞞 玄

武黑甲掩後隊金吾將軍一人騎中道交角幘頭緋羅繡抹額紫羅繡辟邪襖襠紅錦襯袍金帶錦騰蛇烏韉佩刀後衛指揮使二人騎分左右服同各衛指揮使帥甲騎五十有七人玄武旗一執者一人夾者二人小金龍鳳黑旗二執者二人皆黑兜牟金飾黑甲條環汗膊束帶韉帶弓矢器仗馬黑金色獅子甲珂飾稍四十人束帶韉帶弓矢器仗馬黑金色獅子甲珂飾稍四十人弩十人黑兜牟黑甲條環汗膊束帶韉帶弓矢器仗馬黑甲珂飾執衛司搦袖二人錦帽紫生色辟邪文袍鍍金帶烏韉從者三人服同前隊

外仗 金鼓隊金鼓旗二執者二人引護者八人皆五色絁巾生色寶相花五色袍五色勒帛韉佩劍引護者

皆甲騎冠金飾綠畫甲條環白繡汗膊束帶綠雲韉佩
弓矢器仗馬金飾珠畫甲珂飾分左右 飲飛隊鐵甲
飲飛執稍者十有二人甲騎冠鐵甲佩弓矢器仗馬鐵
甲珂飾次金吾果毅二人交角幘頭緋羅繡抹額紫羅
繡辟邪褙襖紅錦襯袍金帶錦騰蛇橫刀弓矢騎次虞
候飲飛執弩二十人錦袍紅生色寶相花袍塗金帶烏
韉 及仗隊領軍將軍二人交角幘頭緋絕繡抹額紫
羅繡白澤褙襖紅錦襯袍金帶錦騰蛇烏韉橫刀騎帥
步士五十人執戣二十五人執叉二十五人錯分左右
皆五色絕生色巾寶相花五色袍五色勒帛五色雲頭
韉領軍將軍從者二人錦帽紫襖衫小銀束帶行滕鞋

後 諸衛馬前隊舍人二人四品服騎導左右衛郎將
二人交角幟頭緋絕繡抹額紫羅繡瑞馬初檔紅錦襯
袍金帶錦騰蛇烏鞞橫刀佩弓矢騎分左右帥騎士百
五十有六人前辟邪旗左應龍旗右次王馬旗左三角
旗右次黃龍負圖旗左黃鹿旗右次飛麟旗左馱馱旗
右次鸞旗左鳳旗右次飛黃旗左麒麟旗右執旗十有
二人生色黃絕巾勒帛鞞引旗十有二人服同執人惟
袍色青護旗十有二人生色紅絕巾勒帛鞞執弓六十
人錦帽青生色寶相花袍金帶烏鞞執稍六十人服
如執弓者惟袍色紅每旗弓五稍五從者四服同前隊
二十八宿前隊舍人二人四品服騎導領軍將軍二

人紫羅繡白澤襖襠餘如前隊左右衛郎將皆騎帥步
士百十有二人前并宿旗左參宿旗右各五盾從次鬼
宿旗左甯宿旗右各五弓從次宿旗左畢宿旗右各五
盾從次星宿旗左昂宿旗右各五盾從次張宿旗左胃
宿旗右各五盾從次翼宿旗左婁宿旗右各五積從次軫
宿旗左奎宿旗右各五盾從執旗十四人生色黃純巾
勒帛鞞引旗十有四人服如執人惟袍巾色青護旗十
有四人服如執人惟袍巾色紅執刀盾者三十人弓矢
者二十人積者二十人皆五色纓半甲條環白繡汗膀
束帶五色雲鞞舍人領軍將軍從者四人服同前隊
領軍黃麾伏前隊舍人二人四品服騎導領軍將軍二

人服佩如二十八宿旗隊領軍將軍騎分左右帥步士
凡一百五十人絳引旗十次龍頭竿繡氅十皆分左右
次江瀆旗左濟瀆旗右次小戟十次弓十皆分左右次
南方神旗左西方神旗右次鎗十次綠滕絡盾加刀十
皆分左右次南嶽帝旗左西嶽帝旗右次龍頭竿氅十
次朱滕絡盾加刀十皆分左右次南天王旗左西天王
旗右次小戟十次弓十皆分左右次龍君旗左虎君旗
右次鎗十次綠滕絡盾加刀十皆分左右執人一百三
十人武弁五色生色寶相花袍勒帛韡韡引旗十人青生
色寶相花袍巾勒帛韡韡護旗十人服同惟袍巾色紅
及伏後隊領軍將軍二人騎帥步士凡五十人矢二十

有五义二十有五錯分左右服佩同前隊 左右牙門
旗隊監門將軍二人騎紫繡獅子襴襠餘如戈仗隊領
軍將軍之服佩次牙門旗四每旗執者一人引夾者二
人並黃純巾黃純生色寶相花袍黃勒帛黃雲韉皆騎
次監門校尉二人騎服佩同監門將軍從者四人服同
前隊 左右青龍白虎隊舍人二人四品服騎導領軍
將軍二人服佩同戈仗隊之領軍將軍騎分左右帥甲
士凡五十有六人騎青龍旗左執者一人夾者二人從
以執弩五人弓十人稍十人皆冠青甲騎冠青鉄甲青
條金環束帶白繡汗胯青雲韉白虎旗右執者一人夾
者二人從以執弩五人弓十人稍十人皆冠白甲騎冠

白鐵甲青條金環束帶白繡汗膊白雲韉舍人領軍將軍從者四人服同前隊 二十八宿後隊舍人二人四品服騎導領軍將軍二人騎分左右帥步士百十有二人角宿旗左壁弓旗右各從以執弓者五人次亢宿旗左室宿旗右各從以執殳者五人次氐宿旗左危宿旗右各從以執弓者五人次心宿旗左女宿旗右各從以執殳者五人次尾宿旗左牛宿旗右各從以執盾者五人次箕宿旗左斗宿旗右各從以執弓者五人次舍人領軍將軍從者四人執夾引從服佩皆同前隊 諸衛馬後隊舍人四品服騎導左右衛果毅都尉二人騎分左右帥衛士

百五十有六人角端旗左赤熊旗右次兕旗左太平旗
右次驍騶旗左騶牙旗右次犀牛旗左駿驎旗右次蒼
鳥旗左白狼旗右次龍馬旗左金牛旗右舍人左右衛
果毅都尉從者四人執夾引從服佩皆同前隊 左右

領軍黃麾後隊舍人二人四品服騎導領軍將軍二人
騎分左右帥步士一百六十人龍頭麾十次朱藤絡盾
加刀十皆分左右次吏兵旗左力士旗右次小戟十次
弓十皆分左右次東天王旗左北天正旗右次鎗十次
綠藤絡盾加刀十皆分左右次東岳帝旗左北岳帝旗
右次龍頭竿麾十次朱藤絡盾加刀十皆分左右次東
方神旗左北方神旗右次小戟十次弓十皆分左右淮

瀆旗左河瀆旗右次鎧十次綠滕絡盾加刀十皆分左
右次絳引旂十分左右掩後舍人領軍將軍從者四人
執夾服佩並同前隊 左右衛儀刀班劍隊舍人二人
四品服騎導左右衛中郎將二人交角幘頭緋羅繡抹
額紫羅繡瑞馬柄襜紅錦襯袍錦騰蛇金帶烏韉騎分
左右帥步士凡四十人班劍二十人儀刀二十人並錦
帽紅生色寶相花袍塗金束帶烏韉舍人左右衛中郎
將從者四人服同前隊 供奉宿衛步士隊供奉中郎
將二人交角幘頭紫純繡抹額紫羅繡瑞馬柄襜紅錦
襯袍錦騰蛇金帶烏韉橫刀佩弓矢帥步士凡五十有
二人執短戟十有二人次執列絲十有二人次叉戟十

四

交角金花幘頭窄袖紫衫紅銷金汗膊塗金束帶烏鞞
執金裝骨朶分左右夾親衛隊行折繞隊後而合其端
爲第二門 左右衛甲騎隊左右衛大將軍二人服如
翊衛郎將帥騎士百人執青龍旗五人左青鳳旗五人
右次青龍旗五人左赤鳳旗五人右次黃龍旗五人左
黃鳳旗五人右次白龍旗五人左白鳳旗五人右次黑
龍旗五人左黑鳳旗五人右次五色鳳旗二十五居左
五色龍旗二十五居右曲繞輅後合牙門旗爲第三門
士皆冠甲騎冠金飾朱盡甲青勒甲條鍍金環白繡汗
膊紅鞞佩弓矢器伏馬青金毛獅子甲珂飾 左衛青
甲隊左衛指揮使二人騎服紫羅繡雕虎柄襜餘同左

大將軍帥騎士三十八人執大青龍旗一人左大青鳳
旗一人右次小青龍旗一人左小青鳳旗一人右次大
青鳳旗一人左大青龍旗一人右每旗從以持青稍四
人次小青鳳旗一人左小青龍旗一人右皆從以持青
稍者三人皆青纓牟金飾青畫甲青條塗金環汗膊束
帶韡佩弓矢器仗爲金毛獅子甲珂飾折繞陪門前
衛赤甲隊指揮使二人騎服佩同左衛指揮使帥衛士
四十八人執大赤鳳旗一人左大赤龍旗一人右次小
赤鳳旗一人左小赤龍旗一人右次大赤龍旗一人左
大赤鳳旗一人右次小青龍旗一人左小青鳳旗一人
每旗從以持朱稍四人次執大赤鳳旗一人左大赤龍

旗一人右皆從以持朱稍者三人皆朱兜牟金飾朱畫
甲條環汗膊束帶韡佩弓矢器伏馬朱甲珂飾從者三
人服同前折繞陪門 中衛黃甲隊指揮使二人騎服
同前衛指揮使帥騎士凡五十八人執大黃龍旗一人
左大黃鳳旗一人右次小黃龍旗一人左小黃鳳旗一
人右次大黃鳳旗一人左大黃龍旗一人右次小黃鳳
旗一人左小黃龍旗一人右次大黃龍旗一人左大黃
鳳旗一人右每旗從以持黃稍者四人次小黃龍旗一
人左小黃鳳旗一人右皆從以持黃稍三人皆黃兜牟
金飾黃甲條環汗膊束帶韡佩弓矢器伏馬甲珂飾從
者二人服同前隊折繞陪門 右衛白甲隊指揮使二

人騎服同中衛指揮使帥騎士凡七十有四人執大白
鳳旗一人左大白龍旗一人右次小白鳳旗一人左小
白龍旗一人右次大白龍旗一人左大白鳳旗一人右
次小白龍旗一人左小白鳳旗一人右次大白鳳旗一
人左大白龍旗一人右每旗從以持白稍者四人次小
白鳳旗一人左小白龍旗一人右次大白龍旗一人左
大白鳳旗一人右皆從以持白稍者五人皆白堊牟金
飾白甲條環汗膝束帶鞞佩弓矢器仗馬白甲珂飾從
者二人服同前隊折繞陪門牙門四監門中郎將二
人服佩同各衛指揮使騎分左右次左衛次前衛次中
衛次右衛牙門旗各二色皆赤監門校尉各二人騎服

佩同各衛之執旗者從者十人服同前隊

后妃命婦以下車輦鹵簿

遼皇太后所乘有總纛車

見祭山儀此國輿也

其制未詳

后車皇

后所乘

見納后儀制亦未詳

小輦

見永壽節儀制亦未詳

平頭輦制如

逍遙無屋

見冊承天太后儀

青幃車二螭頭蓋部皆飾以銀

駕用馳公主下嫁以賜之古者王姬下嫁車服不繫其

夫下皇后一等此其遺意也又有送終車車樓純飾以

錦螭頭以銀下懸鐸後垂大毳駕以牛上載羊一謂之

祭羊以擬送終之用亦賜公主

金皇后之車六一曰重翟車青質金飾金塗銅釵花葉段

紫釘耀葉二十四明金立鳳一紫羅銷金生色寶相帷

一青羅青油幘衣各一朱絲絡網紫羅明金生色雲龍
絡帶各二兩廂明金五彩間裝翟羽二金塗礪石長轅
鳳頭三紅轅立鸞八香爐香寶子一副宜男錦帶結朱
紅漆杌子踏床各一扶板扶魚一副紅羅明金衣褥紅
羅襯褥一青羅行道褥四青羅明金生色雲鳳夾幔一
紅羅明金緣紅竹簾二金塗銅葉斷行馬二朱紅漆金
塗銀葉裝釘胡梯一青羅胡梯尋儀褥二踏道褥十青
絹裹大麻索二油蒙帕一 二曰厭翟車赤質倒仙錦
帷一紫油紫羅幘衣各一朱絲絡網宜男錦絡帶各二
餘同重翟惟行道夾幔尋儀褥羅及裹索等用紅 三
曰翟車黃質金飾礪石葉段裝釘宜男錦幘黃羅油幘

衣礪石長轅鳳頭三而無橫轅立鸞餘同厭翟而羅色
用紅 四曰安車赤質倒仙錦帷紫油幘衣朱絲絡網
天下樂錦絡帶礪石長轅鳳頭三無橫轅立鸞及香爐
香寶子餘同翟車而色皆用紅 五曰四望車朱質宜
男錦帷青油幘衣轅端螭頭二餘並同安車 六曰金
根車朱質紫羅紫油幘衣朱紫倒仙錦絡帶各二踏床
褥用紅綾衣尋儀褥踏道褥並用綾餘並同安車 造
六車成後復造圓輅重簷方輅五華亭頭平頭六等之
制又增九龍車一高二丈廣一丈一尺長二丈六尺五
鳳車四各高一丈八尺長廣如之圓輅車方輅車一重
簷車一各高一丈七尺長一丈八尺廣八尺皆馬四

駕士各五十人並平巾幘生色青緋黃三色寶相花衫
銀栴栴帶大口勝平頭輦一丑華輦一亭頭輦一各高
一丈九尺廣一丈五寸長三丈昇士各九十六人作兩
番代並生色緋寶相花衫餘如前制管押人員三十五
人長脚幘頭紫羅窄衫金銅帶束駕馬繫纓涼傘鈴拂
包尾皆從車色金銅面旛翟尾朱轡朱總龍車合用紅
羅傘一傘于二人用本服錦帽幘帶又檢定扇障等制
偏扇如仙人羽扇行障六扇各長八尺高六尺用紅羅
表朱裏畫雲鳳龍首竿銜華結每障用官人四坐障三
扇各長七尺高五尺畫雲鳳紅羅表朱裏餘同行障錦
六柱八扇各濶二尺高三尺冒以錦內給使八人執

宮人車制如屬車駕士八人平巾幘緋衫大口袴鞋襪
供奉宮人三十人雲脚紗帽紫衫束帶綠靴明昌元年
三月定妃嬪車輦同鍍金鳳頭黃結御妻婦用間金鳳
頭梅紅結子

皇太后皇后鹵簿用唐宋制共二千八百四十人清游

隊三十人清游旗一執一人引二人夾二人並平巾幘

口袴佩弓矢橫次金吾衛折衝都尉一人平巾幘朱柄

刀執稍弩騎騰蛇弓爆稍二人平巾幘緋衫大領四十騎橫刀二十

人執稍四人弩十六人並平巾幘緋衫大口袴橫刀弓矢次虞侯伙飛

二十八人並平巾幘緋衫大口袴橫刀弓矢次內僕令

一人承一人依本品服各書令史二人平巾幘緋衫次

黃麾一執一人夾二人武弁朱衣革帶正道次左右廂黃麾伏

願各三行行百人從內第一行短戟五色麾執者並黃地白花

襖帽行次外第三行戈五色麾執人並赤地黃花次外

第三行儀鎧五色旗並青地赤花次左右領軍衛左

右威衛左右武衛左右驍衛左右衛等衛各三行行二

十人分前後衛各主帥六人惟左右領衛各三人並平巾幘

緋柄檔大口袴領軍衛前後領軍文袍帽餘每衛各果

毅都尉一人檢校各一名步從左右領軍衛有絳引旂

引前掩後各三執言六人並平巾幘次內謁者監四人給

事二人內常侍二人內侍少監二人並騎分左右已上各有內給使一人

從次內給使百二十人皆宮人並平巾幘次偏扇

方扇團扇各二十四分左以官人執之皆服間次香

蹬一執擎內給使四人平巾幘青衫次行障二坐障二分左

四駕士二十四人平巾幘青衫次行障二坐障二分左

車官人執之次內寺伯二人領寺人六分左平巾幘

執御刀並騎次腰輿一舉士八人團雉扇二夾與次大

傘四次大雉扇八分左右橫次錦華蓋二正道行一次小

雉扇朱團扇各十二並橫行次錦曲蓋二十四橫行爲

次錦六柱八扇分左左右自腰輿以下並次宮人車次降

麾車分左左右執各一人武次後黃麾一執一人夾一人

並騎武弁朱次供奉官人在黃次厭翟車馬四駕士一

衣華帶正道十四人次翟車安車皆四馬駕士各二十四人次四望

車金根車皆駕牛三駕士各十二人前同次左右相牙

門各二每門執二人夾四人並赤綦襖黃袍帽第一門在前黃慶前第二門在後

黃慶後次左右領軍衛每廂各一百五十人執戈並赤地黃

幅襖行膝鞋襪前與廟各主帥四人檢校平巾幘綠衫大口袴披黃

袍帽執礮石長刀騎服豹文者一次左右領軍衛折衝

都尉各一人檢校及仗以上各一次後及儀內正道置

牙門一每門監門校尉二人皆平巾幘綠衫大口袴披黃每廂

各巡檢校尉一人往來檢校司前前後部鼓吹金鉦柁

鼓大鼓長鳴中鳴鑼吹羽葆鼓吹橫吹節鼓御馬並減

大駕之半是歲重翟車等六車改用圓方輅輦及行障

坐障錦六柱官人等車

天德二年海陵立后皇后乘龍飾有輿有司設二步障于殿之西階設扇左右各十繳一此蓋殿庭導引之儀也又設皇太后導從六十人傘子不在數內並服簇四盤鴨圍花紅錦襖金花幘頭塗金銀束帶永壽永寧宮導駕各三十人傘子各二人此亦常行之儀 妃嬪導從四十人幘頭繡盤蕉紫衫塗金束帶妃用偏扇團扇方扇各十六諸嬪各十四皆宮人執服雲腳紗帽紫四檟衫束帶緋靴大傘各一傘子二人就用本服錦襖幘帶大長公主導從一十二人皇妹皇女一十人並服紫羅繡胃背葵花夾襖盤聚幘頭大佩銀腰帶牙杖各二其諸宗室女各以親疎差降之傘制皇太子三位妃皆

青羅紫裏金浮圖親王公主王妃金鑲銀浮圖郡主縣主銀浮圖皆青表紫裏諸臣下毋妻各從其夫子勲封品級用傘

元中宮導從舍人二人引進使二人中政院判二人同舍中政院事二人舍中政院事二人中政院副使二人同知中政院事二人中政院使二人皆分左右行各服其本品服內侍二人分左右行服視四品押直二人冠交角幘頭紫羅窄袖衫塗金束帶烏鞞小內侍凡九人執骨朶二人執葆蓋四人皆分左右行執繖一人由中道行携金盆一人由左負金椅二人由右服綠羅圍花窄袖衫冠帶鞋如押直中政使一人由中道捧外辦

象牌服本品朝服 宮人凡二十人携水瓶金麈盧一人由右執銷金淨巾一人由左捧金香毬二人捧金香合二人分左右捧金吐壺一人由左捧金唾盂一人由右執金拂四人執雉扇十人各分左右行冠鳳翅縷金帽銷金緋羅襖銷金緋羅結子銷金緋羅繫腰紫羅衫五色嵌金黃雲綺玉束帶

皇太子皇子公卿以下車輦鹵簿

遼皇太子車輦曰金輅從祀享正冬大朝納妃用之冊皇太子儀乘黃令陳金輅皇太子升降金輅是也曰輅車五日常朝享宮中出人行道用之金飾紫幟朱裏駕一馬曰四望車吊祭用之金飾紫油練通轆駕一馬

金大定六年十二月奏皇太子金輅典故制度及上用金輅儀式奉勅詳定輶旗旂首及應用龍者更以麟爲式去障塵等物上用金輅各件色數依上公以九爲節減四分之一上用輅軾前有金龍改爲伏鹿軾上坐龍改爲鳳旂十二旒減爲九駕赤騶六減爲四及羅褥用黃羅處改爲梅紅餘並具體成造其制赤質金飾諸末重較箱畫虞文鳥獸黃屋軾作赤伏鹿龍輶金鳳一軾前設障塵朱蓋黃裏輪蓋朱牙左建九旒右載闌戟旂首銜金龍頭結綬及鈴綬八鸞在衛二鈴在軾駕赤騶四金鏤方紇挿翟尾鏤錫擊纓九就皇帝輅自頂至地高一丈七尺今綢四分之一爲一丈三尺二寸修廣之綢

同

皇太子受冊寶謝廟九大禮大朝會則用鹵簿初有司
奏當用唐宋儀禮詔止用千人中道清游隊二十四人
折衝都尉一人白澤旗一五人弩四弓六稍八並清道
直盪隊一十八人折衝都尉二人稍四弓矢十二並誕
馬四八人折衝都尉二人稍四弓矢十二並誕馬四八
人正直旗隊三十三人果毅都尉一人重輪旗一馴犀
旗二野馬旗一馴象旗二旗各五人並細引隊一十四
人果毅都尉二人弓矢六稍六補與弓矢相間並前部鼓吹九
十八人並府史二人金鉦柶鼓各二大鼓十二長鳴八
鐃鼓二簫六笳六帥兵官二節鼓二小鼓十二中鐃八

桃皮篳篥四歌四拱辰管六篳篥六大橫吹十二羽葆
鼓二帥兵官二繳扇八梅紅繳二大雉扇四中雉扇四
小輿一十八人導引官一十二人中允二人諭德二人
庶子二人詹事二人太師一人太傅一人太保一人少
師一人在金輅後並親勲翊衛園子隊七十四人郎將
二人儀刀七十二並金輅七十三人三衛隊一十八人
執儀儀厭角隊六十七人郎將一人祥雲旗一五人弩三
弓七稍十五並又郎將一人祥雲旗一五人弩三弓七
稍十五並朱團扇一十六人司禦率府校尉四人並朱
團扇三紫曲蓋三朱團扇三紫曲蓋三大角一十八後
部鼓吹五十四人並管轄指揮一人金鉦柶鼓各一饒

鼓二簫六歌六鼙六節鼓一主帥二人笛六笳六拱
辰管六小橫吹十主帥二人後拒隊四十六人果毅都
尉一人騎三角獸旗一五人弩四弓矢十六稍二十外
仗左行二百四人牙門十六人並牙門旗一三人監門
校尉三人郎將一人班劍九前第一隊二十七人司禦
率府一人果毅都尉一人折衝都尉一人主帥一人騎並
絳引旛三首九人麟頭竿二儀鎧斧二弓矢二麟頭竿
二儀鎧斧二朱刀盾二小戟二第二第三第五隊各一
十四人與第一節麟頭竿以下同後第一隊四十七人牙門旗一三
人監門校尉三人果毅都尉一人主帥一人絳引旛三
九人鶡鷄旗一五人稍四弩三稍四弓矢三朱刀盾三

小戟二並騎後第二隊二十九人果毅都尉一人捫子旗

一五人稍五弩三稍五弓矢三稍三弓矢四並後第三

隊二十九人果毅都尉一人黃鹿旗一五人稍五弩三

稍五弓矢三稍三弓矢四並右行二百四人排列同

皇太子常行儀衛導從六十二人傘子二人並服梅紅

繡羅雙盤鳳襖金花幘頭塗金銀束帶凡從物鑷鑷唾

盂水碓等事並用銀金飾傘用梅紅羅坐麒麟金浮圖

椅用金鍍銀圈雙戲麒麟椅背紅絨繚結殿庭與宴檄

用繡羅間金盤鳳卓衣則用繡羅獨角間金盤獸東宮

視事朱絲飾椅塗金銀獸銜紅絨繚結明金團花椅背

案衣則用素羅色皆梅紅蒙帕踏脚同

親王鞅金銀裹仍釵以開花障泥用紫羅飾以金轡以
塗金銀裝束用絲結皇家小功以上太皇太后皇太后
太功以上皇后期親以上并一品官及官職俱至三品
以上者障泥許用金花若經賜或御毬場內不在禁限
舊制親王宰執任外者與大興尹皆服小帽束帶銀鞅
絲鞭大定中世宗以京尹亦外官三品而與親王無別
遂命不得御銀鞅絲鞭惟同外三品例幘頭帶展皂視
事 承安二年制護衛銅裝鞍轡不得借人庶人馬鞍
許用黑漆以骨角鉄爲飾不得用玉鉸具及金銀犀象
飾鞍轡

親王儀從引接十人皂衫盤裹束帶乘馬捧攏官五十

人首領紫羅襖素幘頭執銀裹牙杖傘子紫羅團答繡芙蓉襖間金花交脚
頭執銀裹牙杖傘子紫羅團答繡芙蓉襖間金花交脚
僕頭餘人紫羅四襖繡芙蓉襖兩邊黃絹儀襴並用金
鍍銀束帶幘頭同邀喝四人傘用青表紫裏金鍍銀浮
圖椅用銀裹圈背小確鑼錫唾盂並用銀郡王捧攏官
三十人未出宮者二十人國公捧攏官二十人未出宮
者十四人郡王引接六人國公四人未出宮者各減半
從儀物並依一品職事官制

王公以下車制一品轅用銀螭頭涼棚杆子月板並許
以銀裝飾三品以上螭頭不得施銀涼棚杆子月板亦
聽用銀爲飾五品以上轅雲頭庖人坐車平頭止用一

色黑油

百官儀從正一品三公三師尚書令朱衣直省各十人

三公稱直府 捧攏官各六十人並服紫衫帽銀偏帶內執藤

棒三對骨朵三對牙杖三對簇馬六人傘子二人交椅

冰碓鏹鑼孟子唾盃等事以次執之服皂衫塗金銅束

帶

後凡執色人並同

邀喝四人傘用青羅紫裏銀浮圖

從一

品尚書左右丞相平章政事都元帥樞密使直省同

稱在院也 捧攏官五十人邀喝四人判大宗正引接十

人捧攏官四十人大興尹面前二對餘並同以上交椅

並用銀裹圈背紫絲條結 正二品東宮三師左右副

元帥尚書左右丞直省八人捧攏官四十人邀喝三人

傘用朱浮圖從二品叅知政事樞密副使御史大夫

直省同

御史臺等通引以

捧擺官三十六人邀喝教同

正三品東宮三少元帥左右監軍殿前都點檢六部

尚書諸京留守宣徽勸農使翰林學士承旨等官凡同

品者各引接六人捧擺官二十人以上交椅並用直背

銀間紫青絲條結諸京都轉運使招討使諸路提刑使

諸府尹兼本路兵馬都總管及留守捧擺官五十人外

任統軍使都運招討使副使諸府尹兼總管捧擺官四

十五人公使七十人從三品元帥左右都監勸農副

使殿前副都點檢及御史中丞等官凡同品者各接引

六人捧擺官一十八人內中丞引從則給緋衫外任運

使節度使捧橈官四十人諸節鎮諸部族節度同公使
上鎮七十人中鎮六十五人下鎮六十人以上外任官
人從服色除諸招討總管部族節度部牧使自來無射
糧軍人力者並仍舊外宿守統軍總管都運招討府尹
轉運節度使人力亦仍舊其數雖多俱不得過四十人
並服紫衫銀帶銀裹圈背交椅銀水碓鋸鑼盂盃牙杖
肉銀裹骨朶大劔各兩對及邀喝惟運使無骨朶大劔
正四品左右諫議大夫國子祭酒六部侍郎等官凡
同品者各引接八人本破十二人外任宿守同統軍都
監提刑副使各捧橈官三十人從四品殿前左右衛
將軍諸猛安千戶親王府尉諸京同知等官凡同品者

各引接四人本破十二人外任捧擺官三十五人公使
上防禦六十人中防禦五十五人下防禦五十人 正
五品尚書左右司郎中翰林待制太常少卿等官凡同
品者各本破八人外任捧擺官三十人公使上州五十
人中州四十五人下州四十人凡防禦刺史知軍并京
府統軍司節鎮佐武等官人從並服紫衫角束帶直背
銀交椅鐃鑼孟千噪盤牙杖傘用青表碧裏青浮圖防
禦刺史知軍仍用銀裹骨朵大銀一對邀喝惟隨路副
統軍則不邀喝 從五品六部郎中侍御史大理少府
等官凡同品者本破七人侍御引從則給緋衫外任本
破十人以上職事並許張蓋 正六品尚書左右司員

外等官凡同品者本破六人外任本破九人 從六品
尚書六部員外等官凡同品者本破五人外任本破九
人 正七品殿中侍御史等官凡同品者本破四人外
任本破七人縣令公使十人都軍公使十人 從七品
應奉翰林文字等官凡同品者本破四人外任本破六
人縣令公使十人 正八品大理評事等官凡同品者
本破二人外任本破六人 從八品太常太祝等官凡
同品者本破二人外任本破五人 正九品御藥都監
等官凡同品者本破一人外任本破三人 從九品隨
殿位承應同監等官凡同品者本破一人外任本破一
人 尚書省樞密院令譯史通事六部御史臺及統軍

司通事詰院令史國史院書寫等職各設本破一人

職官人力從物不得僭越其外任官
從服執以本處公用或註罰錢置

凡內外官自親

王以下儀從各有名數差等而朱衣直省不與其殿者
一曰引接內官從四品以上設之二曰捧攏官內外正
五品以上設之三曰本破內外正四品以下設之四曰
公使外官正三品以下設之五曰從已人力外官正三
品京都留守大興府尹以下等官設之本破如捧攏之
職公使從公家之事從已執私家之役者也五等皆以
射糧軍充其軍非驗物力以事攻討特招募民年十七
以上三十以下魁偉壯健者收刺以資糧給之故曰射
糧其首領則有將節承局什將等名而皆統于隨路都

兵馬總管府 外任官從已人力諸京留守大興府尹
五十人統軍都轉運招討按察使諸路兵馬都總管四
十五人轉運節度四十人 提控諸群牧防禦使三十
五人 外任親王傳同知留守副統軍按察使諸州刺
史知軍事三十人 同知都轉運使事副留守同知府
尹無總管提舉漕運司諸五品監使二十五人 都轉
運副使按察司僉事少尹副總管同知轉運節度使事
二十人 京都兵馬都指揮使一十八人 轉運節度
副使十七人 兵馬都鈐轄十五人 親王府尉諸京
留守總判官同知防禦使事十三人 警巡使兵馬副
都指揮同提舉漕運司正六品鹽副使從六品酒麴監

稅使同知州軍事一十人 統軍都轉運司京府總管
散府等判官京推官九人 親王府司馬招討判官赤
剌縣令提舉上京皇城兵馬鈐轄正七品酒麵鹽稅副
使都轉運州官府推官節度觀察判官八人 京縣次
剌縣令都巡檢使正將府軍都指揮使七人 司屬令
親王府文字招討司勘事官諸縣令警巡副使知城堡
寨鎮從七品鹽判同提舉上京皇城節鎮軍都指揮使
都巡河同七品酒使防禦判官六人 市令錄事赤剌
縣丞副都巡檢州軍判官五人 統軍司知事親王府
記室參軍司屬丞正八品酒使副京縣次剌縣丞諸司
使四人 大興府招討按察司知事京府運使節鎮司

獄管勾河橋開渡議察官從八品鹽判官漕運司勾當
官警巡判官諸縣丞市丞司候主簿錄事司判官縣尉
副都巡檢諸巡檢巡河官正九品酒使諸司副使三人
鹽場管勾防刺以下司獄部隊將同管勾河橋副議
察司候判官教授統軍按察司知法軍轄諸司都監節
鎮以上知法二人 鹽場同管勾防刺以下知法諸司
同監統軍按察司譯書通事一人

元公卿以下車輿除不得用龍鳳文外一品至三品許用
間金粧飾銀螭頭繡帶青幔四品五品用素獅頭繡帶
青幔六品至九品用素雲頭素帶青幔庶人黑油齊頭
平頂皂幔

鞍轡一品許飾以金玉二品三品飾以金四品五品飾以銀六品以下並飾以礪石銅鉄

品官以下所用器皿除釵造龍鳳文不得使用外一品至三品許用金玉四品五品惟臺盞用金六品以下臺盞用鍍金餘並用銀庶人酒器許用銀瓶臺盞盞餘並禁止

帳幕除不得用赭紅龍鳳文外一品至三品許用金花刺繡紗羅四品五品用刺繡紗羅六品以下用素紗羅庶人用紗絹不得帶黃

續文獻通考卷之一百二十九終